

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 05/1-11-interno-8/21

Bihać, 10.12.2021. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“, broj: 3/16 i 4/20) i člana 52. stav (1) tačka a) Statuta Grada Bihaća („Službeni glasnik Grada Bihaća“, broj: 13/15 i 13/18), Gradonačelnik u svojstvu predlagача propisa i drugih akata:

O D R E Đ U J E

Izvjestioca: Jasminu Ćoralić, Pomoćnik gradonačelnika za finansije, privredu i poljoprivredu, na ___ sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o kratkoročnom zaduživanju Grada Bihaća za 2022. godinu

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za finansije, privredu i poljoprivredu

Broj: 05/1-11-interno-8/21

Bihać, 10.12.2021.godine

GRADSKO VIJEĆE

- ovdje-

PREDMET: Prijedlog Odluke o kratkoročnom zaduživanju Grada Bihaća za 2022. godinu,
dostavlja se

Na osnovu člana 52. tačka k) Statuta Grada Bihaća („Službeni glasnik Grada Bihaća“ broj 13/15 i 13/18), dostavljam vam Prijedlog Odluke o kratkoročnom zaduživanju Grada Bihaća za 2022. godinu uz sljedeće:

O b r a z l o ž e n j e

I. PRAVNI OSNOV ZA DONOŠENJE

Pravni osnov za donošenje Odluke o kratkoročnom zaduživanju Grada Bihaća za 2022. godinu, sadržan je u članu 9. i 21. Zakona o dugu, zaduživanju i garancijama u Federaciji BiH („Službene novine Federacije BiH“, broj: 86/07, 24/09, 44/10 i 30/16) i članu 35. tačka k) Statuta Grada Bihaća („Službeni glasnik Grada Bihaća“ broj:13/15 i 13/18).

II. RAZLOZI ZA DONOŠENJE

Razloge za donošenje Odluke o kratkoročnom zaduživanju Grada Bihaća za 2022. godinu, potrebno je razmatrati sa aspekta potrebe prevazilaženja kratkoročnih vremenskih neusklađenosti između prihoda i rashoda u toku budžetske 2022.godine.

Analizom trenutnog stanja i perspektive izmirenja stvorenih i budućih obaveza Grada Bihaća, te trenutnih i budućih potreba za prihode i mjera koje će trebati poduzeti da bi se održala stabilizacija u Budžetu za 2022.godinu, utvrđena je i mogućnost realizacije kratkoročnog zaduženja.

U slučaju potrebe realizacije Ugovora o kratkoročnom zaduživanju Grada Bihaća, maksimalni iznos zaduženja ni u kom vremenskom periodu tokom te fiskalne godine, neće preći 5% prihoda ostvarenih u prethodnoj fiskalnoj godini.

Ugovorom sa komercijalnom bankom izabranom u skladu sa odredbama Zakona o javnim nabavkama će biti precizirani svi elementi u skladu sa članom 21. Zakona o dugu, zaduživanju i jamstvima u Federaciji BiH.

Obzirom da su svi elementi Prijedloga Odluke o kreditnom zaduživanju Grada Bihaća za 2022. godinu u skladu sa članom 9. i 21. Zakona o dugu, zaduživanju i garancijama u Federaciji BiH, predlažem Gradskom Vijeću, da u okviru svojih nadležnosti propisanih Statutom Grada Bihaća, donese Odluku o kreditnom zaduživanju Grada Bihaća za 2022. godinu u predloženom tekstu.

Prilog:

- Prijedlog Odluke o kratkoročnom zaduživanju Grada Bihaća za 2022.godinu

Gradonačelnik
Šuhret Fazlić

Na osnovu člana 9. i 21. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16) i člana 35. tačka k) Statuta Grada Bihaća („Službeni glasnik Grada Bihaća“, broj: 13/15 i 13/18), Gradsko vijeće Bihać na ____ sjednici održanoj dana _____ 2021. godine, donijelo je:

O D L U K U
o kratkoročnom zaduživanju Grada Bihaća za 2022.godinu

Član 1.

(1) Ovom Odlukom Gradsko vijeće Bihać daje saglasnost na kratkoročno kreditno zaduženje Grada Bihaća na revolving osnovi za 2022. godinu.

(2) Maksimalni iznos kratkoročnog zaduženja neće prelaziti ograničenja iz člana 9. Zakona o dugu, zaduživanju i garancijama u Federaciji BiH.

Član 2.

Kreditna sredstva iz člana 1. ove Odluke, koristit će se u slučaju potrebe prevazilaženja kratkoročnih vremenskih neusklađenosti između prihoda i rashoda u toku Budžetske 2022. godine.

Član 3.

(1) Uslovi pod kojim će Grad Bihać sklopiti ugovor o kreditnom zaduživanju su:

- iznos kredita maksimalno do 5% prihoda ostvarenih u prethodnoj godini;
- osiguranje kredita: mjenice;
- korištenje kredita: na revolving osnovi do dvanaest mjeseci od prvog puštanja kredita u tečaj;
- uz najpovoljnije: kamatnu stopu i troškove obrade kredita.

(2) Ostali uslovi u pogledu otplate kredita, cijene kredita, regulisat će se ugovorom između Grada Bihaća i najpovoljnije komercijalne banke, koja će biti izabrana u skladu sa odredbama Zakona o javnim nabavkama BiH („Službeni glasnik BiH“, broj: 39/14).

Član 4.

Grad Bihać će u Budžetu Grada Bihaća za 2022. godinu planirati sredstva za povrat neizmirenog i dospjelog zaduženja u skladu sa članom 9. Zakona o dugu, zaduživanju i garancijama u Federaciji BiH.

Član 5.

(1) Ovlašćuje se Gradonačelnik da zaključi ugovor o kreditnom zaduživanju sa izabranim kreditorom u skladu sa članom 3. ove Odluke.

(2) Daje se saglasnost Gradonačelniku da potpisuje sva potrebna dokumenta vezana za realizaciju ovog kreditnog aranžmana, uključujući i potrebne garancije.

Član 6.

Ova Odluka stupa na snagu sljedećeg dana od dana objavljivanja u Službenom glasniku Grada Bihaća.

Gradsko vijeće
Broj: _____/21
Bihać, _____ 2021. godine

Predsjedavajući Gradskog vijeća
Zulfikar Handukić